

« qui [a] a mane in sero [b], ut canis leporem, sic non desinebant persequi hostem;
 « paternam insuper servare audaciam [c], qui, ut falco numerum⁹ avium, sic non cu-
 « rabant multitudinem hostium. Præterea, o fortissimi cives, cum inibitis prælium,
 « quia, licet timidi, tamen infiniti sunt numero, non vicissim invadite hostes; for-
 « titer percutite, atque ipsos more fulminate⁹ paterno [d]. Et cum eos, Deo dante,
 « fuderitis, ipsos quoque [e], quousque alitissime placuerit majestati [f], fugabitis.
 « Vestro audito signo, statim figite gressum, neminem postea persequendo; sed re-
 « vertentes omnes colligite hostes, vestro timore prostratos, quorum nulli illius amore
 « vulnus inferatis mortale, cujus ditione [g] omnis capitur creatura, ac ejus intuitu
 « liberatur [h]. Est enim sanctius atque nobilior hostes vinculis tradere, quam in
 « bello ipsos perimere nequiter.

Hæc ubi dat dicta,

Concurrunt acies omnes clamore soluto,

Horfisonis versant tenues ululatus auras.

Classica terrifico diffringunt arva⁹ boatu;

Fit sonus utrinque, et latus colliditur aer,

Et referunt raucos montana cacumina cantus.

Iam fragor armorum; tangeres bellica [i] vincit

Clangorem lituum; subtexunt astra sagittæ,

Telorumque frequens obnubilat aera nimbus [k].

Mediumque

membris

e

Postquam vero utrinque ac primo pugnatum est bello, jam elapso trium horarum
 spatio, juxta sylvam Ingici [l] [A] Petri Guidonis, hostes, ut summo placuit Creatori, ver-
 tuntur in fugam; quos nostri agentes hostiliter usque muros civitatis Liviensis persequun-
 tur [m], ubi intra civitatem et burgum Sclavaniæ [n] aliquot mulieres ceperunt, atque
 senes cum junioribus et melioribus [o] multitudinis ducentes, inter quos fuit Petrus
 Traversaria junior [p], Luicius de Rovere [q] et alii nobiles Ravennates quam plurimi;

[a] perseverantiam virium. Sic Codd. M. et V.; virium, C. A. — [b] a mane in sero. Sic Codd. omnes
 Fortasse corrigendum, a mane in serum. — [c] servare audaciam. Sic Codd. V. et A.; et sic videtur legendum;
 nam si legatur, servate audaciam, suppleri superior sensus deberet aliquo alio verbo, ubi, scilicet, est
 contendite. — [d] more fulminate paterno. Sic ex C. V.; more fulminante paterno habet C. M. — [e]
 ipsos quoque. Sic legendum puto, licet Codices M. et V. habeant ipsosque. — [f] placuerit majestati, C.
 V.; placuerit magestati, C. M. — [g] cujus ditione: C. M. habet dictionem, et C. V., ditionem — [h]
 intuitu liberatur. Sic lego. In C. M. est initu liberatur; in C. V., intuitu liberate. — [i] diffringunt
 arva. Sic lego; ipse C. M. habet dstringunt arva.; C. V. habet dstringunt arma; cl. Mitt., pro arva,
 legit aera. — [j] tangeres bellica. Sic habent codices; nec ausus sum immutare. Num substituenda vox ta-
 ratantara ab Ennio usurpata, tubarum sonum exprimens? — [k] Telorumque frequens obnubilat aera nim-
 bus. Ita corrigendum versum corruptum duxi; nam codices vitiose eum referunt. C. M. sic: melium-
 que frequens obnubilat aera membris; C. A., Mediumque frequens etc.; et C. V. Mediumque frequens
 obnubilat aera imbris. — [l] sylvam Ingici. Sic Codd. M. et V. — [m] persequuntur, C. V.; persecuntur, C.
 M. — [n] burgum Sclavaniæ. Sic Codd. — [o] et melioribus. In C. M., bis melioribus; in C. V., et mu-
 lieribus. — [p] Petrus Traversaria junior etc. In C. M. sic: Petrus Traversaria Juniorum Luicium
 de Rovere, et alios nobiles Ravennates quam plurimos: de Forlivio, Albertinum de Officia, Iohannem Gi-
 rardini, filium Petri de Ordellafo, Ugo Berardengi, et alios multos: de Cesena, fuit Rialem et Agusel-
 lum: de castro Bretenori, henrigum de Mainardis, Ieremiam de Polenta, henrigum de Gluito, et alios
 complures etc. — [q] Luicius de Rovere, C. M.; Lucio della Rovere, Tondutius.

[A] Guido de Ingiza nominatur in charta Tabularii Azzurrini, sub anno 1138. Item de Alberto et
 Ingiza sua uxore, in charta VIII octob. 1131.